

Sonot' Bapla Atań

Noa reak' roq ruq̄ do nonka kana sirjon malik (Isorbaba) Ad re mit ṭen manwae benao keda ac'ak' muṭhan ar urgānān uniak nūtum do Adam (Pilcu hařam) e doho ket' taya Isore nīl keda Adam ac' eskar taken do bañ moja uni gokroyic' mit ṭen maejiu benao ea. (Gen 2:18) Are benaoket' kin khane bhorat' kinā jemon gidrākin janam kute manwaku saṅgek' (Gen 1:18) Noa do sirjon etohop re eden bagwan re pāhil ar sonot bapla tāhē kana sirjon malik Isor baba hotete. Noa puthem parhao et' kan bocha- bhage şahit te nīl me raibar bapla metak' me kuri ar koṛa tala re bapla laha re hořmo lekate baki jopoqet' akana . Nonkan bapla gi Isor baba nojor re sonot' bapla do bikāuk' kana ente bhor emok'ic' Isor baba doe sonot' gea besonot re se Isorak ḥan rāk'put' kudo Isor bae bhor akua, bickom unku do akuak' kāmi lekaku bicār dusi ocuk'a (Popor. 12:13,14) onate iñ tracts ollok' ic' am papārhaoc' iñ nehoram kana kora/ kuri pariq̄ reak baric' sana khon nīrjoñ me ar dhorom, biswas, dulār sulukge khudāu me, ar sapha mon te probhu Isor sewa wai kan ku tuluc' tobe gi amak jion bhur bhorem nāma (2 Timothy 2:22) dulariq̄ bocha/ misra amak juān umār seta ku alom emakua mit ten katha menak'a adi hudis kate kamim menkhan kāmi purāu kate do alom hudisa.

Sānam manwa hopon kuak' jion re pea ghoṭna do huyuk' kan gea pāhilak do janamok' dosarak' do bapla' ar tesarak' do gujuk' noa ku tala tege mit' ṭen manwa do paromok' huyuk' kan taya. menkhan bun aribāndi lekhan bapla do tala reak ghotna kana. Ar umar lekatebun nīl lekhan tala reak' umar kana. Noa hoponak' bhērtak' katha ku menak' tabuna, men godabun tala kora manedo lac' kana. Lac' do engine (mesin) kana, lac' reak' joto mesin (engine) monj bañ tāhē len khan goṭa hořmo monj do ban tāhē dāriyak'a. Dhārti re sanam jāt ar dhorom hořthen bapla do huyuk' kan gea, okoe do dāruq̄ cētān sindrā dhan bapla, okoe kudo mundil re bapla, okoe kudo mandop re bapla, okoe kudo mosjid re bapla. Ona ku rēhō pe lekan hoř bun nāmet kua 1. Aṅgir ku 2. Nēpel kuri or aq̄u 3. Raibar (monj- monj te jut). Noa ku re tala reak'gi metak'me nēpel kusi or aq̄u bapla gi bārti do nēlok kana . Bapla do sanam manwajat, Then aq̄i jaṛuṛanak' kangia. Ente bin bapla te mit ṭen manwa do gharonjbae benao rakap' dārak' tobe noa pařhao kate kuklijanamok' kana. Bapla do okare ar okoe ehop keda nunāk' monj bondobost do?

Manwa hopon kure Isor baba wak mone jon do kana sanam kāmi re manwa do sonot ku taken ente aburen Isor baba doe sonot gea onate besonot metak' me kai tuluc' do uniak gati se sajha do banuk taya Isor baba wak katha do hē re hē bañ re bañ huyuk' kan taya. Onate apnarak' subida leka Isorak asir bad do bam hatao dāriyak'a Isor baba do amak' bapla hilok khon ge am ren bos doe lekha et kua . Isorak hukum batao re bedag sonot baplam hatao akat khan, sem hatao lekhan amak' joto din ge sonot huyuk tama (Mathai 12:33) amak sonot bōs khon baba do nabi kui khojok kana preritkui khojok kana ar ayur kui khojok kana ąmak hořmo reak sana kobojsam ar Probhu mashi ak bhor hatao joñ me eken hukum batao ku lagit gi doho akana. Boeha aq̄i hudis kate nīl me sanam manwa ku khojok' kana inren gidra hukum batao ku huyuk aema ku pařhaok' monj kāmi ku nām jon ar haram buđhi kate monj teku nīl ku menkhan unkuak ar jion do osanti ar duk re bodolok kana ona reak karon do kana Isorak ḥan ar kusi leka bapla bañ hūi akan takua onkuak jion hotete Isor bae kusia onate aku ho gidra wak jion hotete baku kusi dariak' kana Christian boeha kuak bapla ku hujuk kanre girā (neota) card chapak kana onore ol taken kana sonot bapla girā ar ho ona card re Isorak katha (Heb 13:4)

kali ol taken kana onado ol akana bapla do sanam ku. Then manotanak bārē huyuk ma ar anatet' do bedag ge ente lotghuṭiku ar laq̄ ghaghāt ku do Isor re bicar kua . bapla orak calao kate get̄ khon ge adi monj saprao akat nīl nāmok kana bhitri re bolo kate ho monj duřup'ak ku sajao akan jarwa akan hoř ku galmarao kana turui candu din kin hui ena akin tegikin napam akana khorea ban khatir te bapla do tayom akan tahe kana. Dularia bochia adi duk selet noa puthin olet kana cudak ge card (gira) re chapa akan tahe kan khon do bapla do ult̄a gi tehe kana akuak girā kagoe' re chapa akat katha tege unkin bapla juri dokin bicār dusi oeok'a. Boeha Isor babae metam kana Isor duk'lärku ar uniak hukum doho kudo hajar hajar piřhi hābic' dayaku nāma (Exo 20:6) Dela jisu mashi then koejon tuluc', hijuk' kan piřhi re sonot' bapla te bhor bun hatao joñā jemon Isor baba do abuak' bōs hajar hajar piřhi habic' bhoře emabuna, ar abuak as do raskā re bodolok tābuna.

Bārti bađae sanaet' me khan latar re olen thikana re cithi ol me.

Love Army Ministers

Ps. Philip Murmu(Samuktala)

Santali Tracts